

永樂北藏



B941
21
:131

永樂北藏

趙樣初題



永樂北藏第一三一冊目錄

- | | | | | |
|--------------|------|----------|---------|-----|
| ○法句經 | 二卷 | 吳維只難等譯 | (群三——四) | 一 |
| ○衆經撰雜譬喻經 | 二卷 | 姚秦鳩摩羅什譯 | (群五——六) | 五五 |
| ○阿育王子法益壞目因緣經 | 一卷 | 苻秦曇摩難提譯 | (群七) | 一〇三 |
| ○雜譬喻經 | 上下同卷 | 失譯人名附後漢錄 | (群八) | 一四一 |
| ○無明羅刹經 | 一卷 | 失譯人名附秦錄 | (群九) | 一七七 |
| ○文殊所說最勝名義經 | 上下同卷 | 宋金總持等譯 | (群十) | 二一一 |
| ○迦丁比丘說當來變經 | 一卷 | 失譯人名附劉宋錄 | (英一) | 二三一 |
| ○雜譬喻經 | 一卷 | 後漢支婁迦讖譯 | (英一) | 二四二 |
| ○思惟要略法 | 一卷 | 姚秦鳩摩羅什譯 | (英二) | 二五七 |
| ○十二游經 | 一卷 | 東晉迦留陀伽譯 | (英二) | 二七〇 |
| ○賢聖集伽陀一百頌 | 一卷 | 宋天息灾譯 | (英三) | 二七九 |
| ○廣大發願頌 | 一卷 | 宋施護等譯 | (英三) | 二八七 |
| ○無能勝大明陀羅尼經 | 一卷 | 宋法天譯 | (英三) | 二八九 |
| ○無能勝大明心陀羅尼經 | 一卷 | 宋法天譯 | (英三) | 一〇〇 |

- 十不善業道經 一卷 宋日稱等譯 (英三)
 ○大乘修行菩薩行門諸經要集 三卷 唐智嚴譯 (英四—六)
 ○四阿含暮抄解 二卷 菩提等譯 (英七—八)
 ○五門禪經要用法 一卷 宋曇摩密多譯 (英九)
 ○金剛頂瑜伽千手千眼觀自在菩薩修行儀軌經 一卷 唐不空譯 (英十)
 ○密迹力士大權神王經偈頌 一卷 元管主八撰 (杜一)
 ○一切秘密最上名義大教王儀軌 上下同卷 宋施護譯 (杜二)
 ○大樂金剛薩埵修行成就儀軌 一卷 唐不空譯 (杜三)
 ○曼殊室利菩薩吉祥伽陀 一卷 宋法賢譯 (杜三)
 ○成就妙法蓮華經王瑜伽觀智儀軌 一卷 唐不空譯 (杜四)
 ○金剛頂瑜伽降三世成就極深密門 一卷 唐不空共遍智譯 (杜五)
 ○金剛頂瑜伽他化自在天理趣會普賢修行念誦軌 一卷 唐不空譯 (杜五)
 ○金剛壽命陀羅尼念誦法 一卷 唐金剛智共不空譯 (杜六)
 ○大藥叉女歡喜母并愛子成就法 一卷 唐不空譯 (杜六)
 ○佛說帝釋嚴秘密成就儀軌 一卷 宋施護譯 (杜六)
 ○觀自在菩薩如意輪念誦儀軌 一卷 唐不空譯 (杜六)
- 三〇三
三〇五
四二七
四九七
五二九
五六九
六〇一
六二三
六四一
六四五
六七五
六九七
七〇〇
七一五
七二〇

○大毗盧遮那成佛神變加持經略示七支念誦隨行法	一卷	唐不空譯	(杜七)	七三三
○速疾立驗摩醯首羅天說阿尾奢法	一卷	唐不空譯	(杜七)	七三七
○大聖曼殊室利童子五字瑜伽法	一卷	唐不空譯	(杜七)	七四四
○大威怒烏刍澀麼儀軌	一卷	唐不空譯	(杜八)	七四九
○大孔雀明王畫像壇場儀軌	一卷	唐不空譯	(杜八)	七六六
○金剛頂瑜伽金剛薩埵儀軌	一卷	唐不空譯	(杜八)	七七二
○一字金輪王佛頂要略念誦法	一卷	唐不空譯	(杜九)	七八九
○觀自在菩薩如意輪瑜伽念誦法	一卷	唐不空譯	(杜九)	七九四
○大聖大歡喜雙身毗那耶迦法	一卷	唐不空譯	(杜九)	八〇九
○大日經略攝念誦隨行法	一卷	唐不空譯	(杜九)	八一三
○五字陀羅尼頌	一卷	唐不空譯	(杜十)	八一七
○仁王般若陀羅尼釋	一卷	唐不空譯	(杜十)	八二八
○大樂金剛不空真實三昧耶經般若波羅蜜多理趣釋	二卷	唐不空譯	(稿一一二)	八三九
○佛說最勝妙吉祥根本智最上秘密一切名義三摩地分	上下同卷	宋施護譯	(稿三)	八八五
○金剛王菩薩秘密念誦儀軌	一卷	唐不空譯	(稿四)	九〇七
○金剛頂勝初瑜伽普賢菩薩念誦法經	一卷	唐不空譯	(稿四)	九二三

法句經序

群三

曇鉢偈者衆經之要義曇之言法鉢者句也而法句經別有數部有九百偈或七百偈及五百偈偈者經語猶詩頌也是佛見事而作非一時言各有本末布在諸經佛一切智厥性大仁愍傷天下出興于世開現道義所以解人凡十二部經總括其要別爲數部四部阿鎔佛去世後阿難所傳卷無大小皆稱聞如是處佛所在究暢其說是後五部沙門各自鈔衆經中四句六句之偈比次其義條別

爲品於十二部經靡不斟酌無所適名故曰法句夫諸經爲法言法句者猶法言也近世葛氏傳七百偈偈義致深譯人出之頗使其渾惟佛難值其法難聞又諸佛興皆在天竺天竺言語與漢異音云其書爲天書語爲天語名物不同傳實不易唯昔藍調安侯世高都尉佛調釋梵爲晉實得其體斯已難繼後之傳者雖不能審猶尚貴其實粗得大趣始者維祇難出自天竺以黃武三年來適武昌僕從受此五百偈本請其同道竺將炎爲譯

將炎雖善天竺語未備曉漢其所傳言或得梵語或以義出音近質直僕初嫌其爲詞不雅維紙難曰佛言依其義不用飾取其法不以嚴其傳經者令易曉勿失厥義是則爲善座中咸曰老氏稱美言不信信言不美仲尼亦云書不盡言言不盡意明聖人意深邃無極今傳梵義實宜徑達是以自偈受譯人口順本旨不加文飾譯所不解即闕不傳故有脫失多不出者然此雖詞朴而旨深文約而義博事均衆經章有本故句有義說其在

天竺始進業者不學法句謂之越序此乃始進者之鴻漸深入者之奧藏也可以啓蒙辯惑誘人自立學之功微而所包者廣寔可謂妙要也哉昔傳此時有所不出會將炎來更從諮詢受此偈等復得十三品并校往古有所增定第其品目合爲一部三十九篇大凡偈七百五十二章都凡一萬四千五百八字庶有補益共廣聞焉

新印大藏經卷之二十一

法句經卷上

尊者法救撰

吳天竺沙門維祇難等譯

無常品第一

二十有一章無常品者寤欲昏亂榮命難保

惟道是真

睡眠解寤宜歡喜思聽我所說撰集佛言
所行非常謂興衰法夫生輒死此滅爲樂
譬如陶家埏埴作器一切要壞人命亦然
如河駛流往而不返人命如是逝者不還

譬人操杖行牧食牛老死猶然亦養命一千百非一族姓男女貯聚財產無不衰喪
生者日夜命自攻削壽之消盡如榮穿水
常者皆盡高者亦墮合會有離生者有死
衆生相尅以喪其命隨行所墮自受殃福
老見苦痛死則意去樂家縛獄貪世不斷
咄嗟老至色變作耄少時如意老見蹈藉辟三
雖壽百歲亦死過去爲老所壓病條至際
是日已過命則隨減如少水魚斯有何樂
老則色衰所病自壞形敗腐朽命終其然

是身何用 恒漏臭處 爲病所困 有老死患
嗜欲自恣 非法是增 不見聞變 壽命無常
非有子恃 亦非父兄 爲死所迫 無親可怙
晝夜慢惰 老不止姪 有財不施 不受佛言
有此四蔽 爲自侵欺

非空非海中 非入山石間 無有地方所
脫之不受死 是務是吾作 當作令致是
人爲此躁擾 履踐老死憂 知此能自靜
如是見生盡 比丘厭魔兵 從生死得度
教學品第二

二十有九章教學品者 導以所行釋已愚暗
得見道明

咄起何爲寐

蝴蝶蚌蠃類

隱蔽以不淨

迷惑計爲身 焉有被斫瘡 心而嬰疾痛
遘于衆厄難 而反爲用眠

思而不放逸

爲人學仁迹 從是無有憂 常念自滅意
正見學務增 是爲世間明 所生福千倍

終不墮惡道

莫學小道 以信邪見 莫習放蕩 令增欲意
善修法行 學誦莫犯 行道無憂 世世常安

敏學攝身 常慎思言 是到不死 行滅得安
非務勿學 是務宜行 已知可念 則漏得滅
見法利身 夫到善方 知利建行 是謂賢明
起覺義者 學滅以固 着滅自恣 損而不興
釋三
是向以強 是學得中 從此解義 宜憶念行
學先斷母 率君二臣 廢諸營從 是上道人
學無朋類 不得善友 寧獨守善 不與愚偕
樂戒學行 奚用伴爲 獨善無憂 如空野象
戒聞俱善 二者孰賢 方戒稱聞 宜諦學行
學先護戒 關閉必固 施而無受 力行勿卧

若人壽百歲 邪學志不善 不如生一日
精進受正法 若人壽百歲 奉火修異術
不如須臾敬 事戒者福勝 能行說之可
不能勿空語 虛偽無誠信 智者所屏棄
學當先求解 觀察別是非 受諦能誨彼
慧然不復惑 被髮學邪道 草衣內貪濁
矇矇不識真 如聾聽五音 覺能捨三惡
以藥消衆毒 健夫度生死 如蛇脫故皮
學而多聞 持戒不失 兩世見譽 所願者得
學而寡聞 持戒不完 兩世受痛喪其本願

夫學有二 常親多聞 安諦解義 雖因不邪
梯稗害示 多欲妨學 耘除衆惡 成收必多
慮而後言 辭不強梁 法說義說 言而莫違
善學無犯 畏法曉詭 見微知著 戒無後患
遠捨罪福 務成梵行 終身自攝 是名善學

辭三

五

多聞品第三

十有九章多聞品者亦勸文學積聞成聖自
致正覺
多聞能持固 奉法爲垣墻 精進難喻毀
從是戒慧成 多聞令志明 已明智慧增

智則博解義 見義行法安 多聞能除憂
能以定爲歡 善說甘露法 自致得泥洹
聞爲知律法 解疑亦見正 從聞捨非法
行到不死處 爲能師見道 解疑令學明
亦興清淨本 能奉持法藏 能攝爲解義
解則戒不穿 受法猗法者 從是疾得安
若多少有聞 自大以憍人 是如盲執燭
照彼不自明 夫求爵位財 尊貴昇天福
辯決世間悍 斯聞爲第一 帝王聘禮聞
天上天亦然 聞爲第一藏 最富智力強

智者爲聞屈 好道者亦樂 王者盡心事
雖釋梵亦然 仙人尚敬聞 況貴巨富人
是以慧爲貴 可禮無過是 事日爲明故
事父爲恩故 事君以力故 聞故事道人
人爲命事醫 欲勝依豪強 法在智慧處
福行世世明 察友在爲謀 别伴在急時
觀妻在房樂 欲知智在說 聞爲今世利
妻子昆弟友 亦致後世福 積聞成聖智
是能散憂患 亦除不祥衰 欲得安隱吉
當事多聞者 研蕪無過憂 射箭無過愚

是壯莫能拔 唯從多聞除 盲從是得眼
闇者從得燭 示導世間人 如目將無目
是故可捨癡 離慢豪富樂 務學事聞者
是名積聚德

篤信品第四

十有八章篤信品者立道之根果於見正行
不回顧

信慙戒意財 是法雅意譽 斯道明智說
如是昇天世 愚不修天行 亦不譽布施
信施助善者 從是到彼安 信者真人長

念法所信安 近者意得上 智壽壽中賢
信能得道法致滅度 從聞得智 所到有明
信能度淵 摄爲船師 精進除苦 慧到彼岸
士有信行 爲聖所譽 樂無爲者 一切縛解
信之與戒 慧意能行 健夫度恚 從是脫淵
信使戒誠 亦受智慧 在在能行 處處見養
比方世利 慧信爲明 是財上寶 家產非常
欲見諸真 樂聽講法 能捨慳垢 此之爲信
信能渡河 其福難奪 能禁止盜 野沙門樂
無信不習 好剝正言 如拙取水 濁泉揚泥

賢夫習智 樂仰清流 如善取水 思今不擾
信不染他 唯賢與人 可好則學 非好則遠
信爲我與 莫知我載 如大象調 自調最勝
信財戒財 慇愧亦財 聞財施財 慧爲七財
從信守戒 常淨觀法 慧而履行 奉教不忘
附三 生有此財 不問男女 終已不貧 賢者識真
戒慎品第五

十有六章戒慎品者 授與善道 禁制邪非後
人而常清奉律至終 淨修善行 如是戒成

慧人護戒 福致三寶名聞得利 後上天樂
常見法處 護戒爲明 得成真見 葦中吉祥
持戒者安 令身無惱 夜卧恬惔 審則常歡
修戒布施 作福爲福 從是適彼 常到安處
何終爲善 何善安止 何爲人寶 何益不取
戒終老安 戒善安止 慧爲人寶 福益不取
比丘立戒 守攝諸根 食知自節 悅意令應
以戒降心 守意正定 內學止觀 無忘正智
明誓守戒 內思正智 行道如應 自清除苦
蠲除諸垢 盡慢勿生 終身求法 勿暫離聖

戒定慧解 是當善惟都已離垢 無禍除有
着解則度 餘不復生 越諸魔界 如日清明
狂惑自恣 已常外避 戒定慧行 求滿勿離
持戒清淨 心不自恣 正智已解 不覩邪部
是往吉處 爲無上道 亦捨非道 離諸魔界
惟念品第六

十有二章惟念品者 守微之始 內思安般必
解道紀

出息入息念 具滿諦思惟 從初竟適利
安如佛所說 是則照世間 如雲解月現

起止學思惟 坐卧不廢忘 比丘立是念
前利後則好 始得終必勝 誓不願生死
若現身所念 六更以爲最 比丘常一心
便自知泥洹 已有是諸念 自身常健行
若其不如是 終不得意行 是隨本行者

辟三

如是度愛勞 能悟意念 知解一心樂

應時等行法 是度生死惱 比丘悟意行
當令應是念 諸欲生死棄 爲能作苦際
常當聽微妙 自覺悟其意 能覺者爲賢
終始無所會 以覺意能應 日夜務學行

當解甘露要 令諸漏得盡 夫人得善利
乃來自歸佛 是故當晝夜 常念佛法衆
已知自覺意 是爲佛弟子 常當晝夜念
佛與法及僧 念身念非常 念戒布施德
空不願無相 晝夜當念是

慈仁品第七

十有九章慈仁品者是謂大仁聖人所履德
爲人不殺常能攝身 是處不死 所適無患
不殺爲人 慎言守心 是處不死 所適無患

普無量

爲人不殺常能攝身 是處不死 所適無患

不殺爲人 慎言守心 是處不死 所適無患

彼亂已整 守以慈仁 見怒能忍 是爲梵行
至誠安徐 口無麤言 不瞋彼所 是謂梵行
垂拱無爲 不害衆生 無所煩惱 是應梵行
常以慈哀 淨如佛教 知足知止 是度生死
少欲好學 不惑於利仁而不犯 世上所稱
九
仁壽無犯 不興變狀 人爲諍擾 慧以嘿安
普愛賢友 哀加衆生 常行慈心 所適者安
仁儒不邪 安止無憂 上天衛之 智者樂慈
晝夜念慈 心無尅伐 不害衆生 是行無仇
不慈則殺 違戒言妄 愚不施與 不觀衆生

酒致失志 爲放逸行 後墮惡道 無修不真
履仁行慈 博愛濟衆 有十一譽 福常隨身
卧安覺安 不見惡夢 天護人愛 不毒不兵
水火不喪 在所得利 死昇梵天 是爲十一
若念慈心 無量不廢 生死漸薄 得利度世
仁無亂志 慈最可行 懈傷衆生 此福無量
假令盡壽命 勸事天下神 象馬以祠天
不如行一慈

言語品第八

十有二章言語品者 所以戒口發說談論當

用道理

惡言罵詈 橋陵憤人 興起是行 疾怨滋生
遜言順辭 尊敬於人 糜結恩惡 疾怨自滅
夫士之生 父在口中 所以斬身 由其惡言
諍爲少利 如掩失財 從彼致諍 令意向惡
譽惡惡所譽 是二俱爲惡 好以口噲鬪
是後皆無安 無道墮惡道 自增地獄苦
遠愚修忍意 念諦則無犯 從善得解脫
爲惡不得解 善解者爲賢 是爲脫惡惱
解自挹損惡 不躁言得中 義說如法說

是言柔軟甘

是以言語者

必使已無患

亦不尅衆人

是爲能善言

言使意投可

亦令得歡喜

不使至惡意

出言衆悉可

至誠甘露說

如法而無過

諦如義如法

是爲近道立

說如佛言者

是吉得滅度

爲能作法際

是謂言中上

雙要品第九

二十有二章雙要品者兩兩相明善惡有對
舉義不單

心爲法本 心尊心使 中心念惡 卽言即行